

Na osnovu Odluka o potrebi zapošljavanja novih radnika broj: 01-03-37531-1/24, broj: 01-03-45875-1, 01-03-45870-1/24, 01-03-45868-1/24, 01-03-45866-1/24, 01-03-45862-1/24, 01-03-45851-1/24, 01-03-45840-1/24, 01-03-45836-1/24, JP Elektroprivreda BiH d.d. Sarajevo Podružnica „Elektrodistribucija“, Sarajevo, objavljuje

O G L A S

za zapošljavanje radnika na neodređeno vrijeme, uz obavezan probni rad u trajanju od 6 (šest) mjeseci, na radnim mjestima:

1. Elektromonter (IV-SS/III-KV) u Službi za planiranje i održavanje mjernih mjesta, 8 izvršilaca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS/III-KV, elektrotehničar, energetika/ elektromonter/ elektroenergetičar/električar/elektroinstalater/elektromehaničar
- da imaju najmanje 6 mjeseci radnog iskustva u struci nakon sticanja tražene stručne spreme
- da posjeduju vozačku dozvolu B kategorije i da su aktivni vozači

Kratak opis poslova radnog mjesta: ugradnja i zamjena svih obračunskih mjernih uređaja za direktno mjerenje i učestvovanje u ugradnji i kontroli mjernih uređaja za polu-indirektno i indirektno mjerenje; kontrola svih mjernih mjesta i izrada zapisnika o kontroli mjernih mjesta, zapisnika o zamjeni mjernih uređaja i uređaja za upravljanje tarifama, zapisnika o nedostacima na mjernim mjestima; poslovi logičke kontrole na terenu i otklanjanje nedostataka mjernih mjesta; utvrđivanje neregistrovane i neovlaštene potrošnje električne energije; isključenje korisnika koje vrše neovlašteno trošenje električne energije; sačinjavanje zapisnika i ostale dokumentacije potrebne za dokazivanje neovlaštene i neregistrovane potrošnje električne energije; isključenja/uključenja mjernih mjesta; očitavanje polu-indirektnih i indirektnih mjernih mjesta, a po potrebi i ostalih mjernih mjesta; provjera očitavanja brojala; izgradnja i rekonstrukcija elektroenergetskih mreža, postrojenja i priključaka.

2. Stručni saradnik za stvarna prava na postojećoj imovini rang 3 u Službi za imovinsko-pravne odnose, Odjeljenje za postojeću imovinu, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, pravo odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da posjeduju vozačku dozvolu B kategorije i da su aktivni vozači

Kratak opis poslova radnog mjesta: učestvovanje u rješavanju imovinsko-pravnih odnosa za postojeću imovinu; komuniciranje sa faktičkim vlasnicima nekretnina s ciljem rješavanja imovinsko-pravnih odnosa za postojeću imovinu; pribavljanje potrebnih saglasnosti i odobrenja u svrhu rješavanja imovinsko-pravnih odnosa za postojeću imovinu pred nadležnim organima i institucijama; upis stečenih prava u zemljišne knjige; pripremanje tehničke dokumentaciju u procesu pribavljanja saglasnosti i dozvola; rješavanje odštetnih zahtjeva trećih lica kao član komisije za štete nastale u postupku gradnje/rekonstrukcije/održavanja elektroenergetskih objekata; učestvovanje u stručnoj tehničkoj pomoći kod rješavanja imovinsko-pravnih odnosa; učestvovanje u svim upravnim i sudskim postupcima koji se pojave u postupku rješavanja imovinsko-pravnih odnosa za postojeću imovinu; kontrola potraživanja jedinica lokalnih zajednica, javnih

preduzeća, kantonalnih i federalnih organa uprave; učestvovanje u rješavanju imovinsko-pravnih odnosa kod izgradnje i rekonstrukcije elektroenergetskih objekata i radova održavanja.

Kandidati su obavezni dostaviti **potpisanu pismenu prijavu** na oglas sa rednim brojem i nazivom radnog mjesta na koje se prijavljuju, sa kraćom biografijom, adresom stanovanja, e-mail adresom (ukoliko je imaju) i brojem telefona, te dokumentaciju kojom dokazuju ispunjavanje uslova zahtjevanih oglasom i to:

- Uvjerenje o državljanstvu, ne starije od 6 mjeseci
- Prijavu mjesta prebivališta, ne stariju od 6 mjeseci
- Diplomu o školskoj spremi i svjedočanstva o završenim razredima, za radno mjesto pod rednim brojem 1.
- Diplomu ili uvjerenje o diplomiranju, odnosno za kandidate koji su visoko obrazovanje stekli po Bolonjskom sistemu studiranja fakultetsku diplomu o završenom I (prvom) ciklusu studija i dodatak diplomi, a u slučaju da fakultet nije završen u Bosni i Hercegovini, kandidat je dužan dostaviti dokaz o nostrifikaciji diplome, za radno mjesto pod rednim brojem 2.
- Potvrdu/Uvjerenje o radnom iskustvu u struci nakon sticanja tražene stručne spreme
- Vozačku dozvolu B kategorije

Potvrde ili uvjerenja poslodavca ili poslodavaca kod kojih je kandidat radio ili radi, moraju biti precizna i detaljna, odnosno iste treba da sadrže podatke o tome na kojim poslovima je kandidat radio, naziv radnog mjesta, koliko dugo je obavljao navedene poslove, opis poslova, jasno preziciran period radnog angažovanja na radnim zadacima, tako da se na osnovu ovih dokumenata može utvrditi na kojim poslovima je kandidat radio i koliko dugo, odnosno, da posjeduje traženo radno iskustvo.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu.

Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje.

Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto na koje se prijavljuju, dužni su dostaviti dokaz o toj činjenici (odgovarajuće Uvjerenje/Potvrdu).

Sva tražena dokumentacija, koju kandidati prilažu uz prijavu, dostavlja se u originalu ili ovjerenoj kopiji, ovjerena kod nadležnog organa i na jednom od jezika koji su u službenoj upotrebi u BiH. Ukoliko se dokumentacija dostavi u ovjerenoj kopiji može se od kandidata zahtijevati uvid u originalne dokumente.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na usmeni ispit za radno mjesto pod rednim brojem 1.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na pismeni ispit, a samo oni kandidati koji budu imali najmanje 70% tačnih odgovora na pismenom ispitu stiču pravo da pristupe usmenom ispitu i biće pozvani na polaganje usmenog ispita, za radno mjesto pod rednim brojem 2.

O mjestu i vremenu održavanja ispita kandidati će biti blagovremeno obaviješteni.

Neuredne (nepotpisane), nepotpune i neblagovremene prijave odbaciće se zaključkom.

Prijavljeni kandidati koji ne budu izabrani biće pismeno obaviješteni o ishodu Oglasa, a priložena dokumentacija neće se vraćati.

Kandidati koji budu izabrani, prije zaključivanja Ugovora o radu, biti će upućeni na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta na koja budu izabrani.

Oglas ostaje otvoren 8 (osam) dana od dana objavljivanja u dnevnim novinama.

Svu traženu dokumentaciju dostaviti lično ili poštom na adresu: JP Elektroprivreda BiH d.d.-Sarajevo, Podružnica „Elektro distribucija“, Sarajevo, Zmaja od Bosne br.49, Sarajevo (lično podnijete prijave na protokol se zaprimaju radnim danom ponedjeljak-petak u periodu od 07:30-15:30 sati), **u zatvorenoj koverti sa naznakom: Prijava na oglas Podružnice “Elektro distribucija”, Sarajevo - „NE OTVARATI“** i napisanim imenom i prezimenom kandidata na koverti i nazivom radnog mjesta na koje se podnosi prijava.